



Inatsisartunut ilaasortaq

Aqqaluaq B. Egede, Inuit Ataqtigiit

**Grønlandsbanken aamma umiatsiaararsorlutik aalisartut pillugit § 37  
naapertorlugu apeqquteqaammut nr. 2019-335-imut akissut**

31-10-2019  
Suliap nr.2019-23655

Inatsisartut suleriaasianni § 37 imm. 1 naapertorlugu, Grønlandsbanken aamma umiatsiaararsorlutik aalisartut pillugit Naalakkersuisunut apeqquteqarputit. Apeqquteqaat uanga suliassaqarfinni akissuteqarfigineqartussanngorlugu innersuunneqarpoq.

P. O. box 1601  
3900 Nuuk  
Tel. (+299) 34 50 00  
E-mail: isiin@nanoq.gl  
www.naalakkersuisut.gl

Apeqqutip 1-ip, 1.a-ip, 2-ip, 3-ip aamma 4-ip akissuteqarfigineqarneranni Aalisarnermut Piniarnermullu Naalakkersuisoqarfimmit ilanngussassat tiguneqarput.

**Apeqqut:**

1. Naalakkersuisut nunatsinni aningaaseriviit umiatsiaararsortunut angallatitaarnissamut aningaasaliiumajunnaarnerat qanoq qisuariarfigissavaat?
  - a. Aningaasalersuinernut taartissanik nutaanik Naalakkersuisut pilersitsiniarpat?

**Akissut:** Inatsisit malillugit Naalakkersuisut aningaaseriviit akiitsortitsinermik suliaqarnerannut akuliussinnaanngillat. Aningaaseriviit aningaasalersuinermik suliaqarneq pillugu inatsisit malittussaavaat. Aningaaseriviit aqutsisui isumannaatsumik akiitsortitsisarnernik suliaqarnermut akisussaassuseqaqqissaarnissamik peqquneqarput. Aningaaseriviit arlalinnik piumasaqaateqarput naammassineqarsimasussanik. Ilanngullugu sullitaminnik akiitsortitsinissamut ataasiakkaatigut nalilersuisarneq. Tamatumani sullitat siunissami isertitaqartarnerat, akiliinissamut pisussaaffinnik naammassinnissinnaanerat, qulakkeerneqartussaavoq.

Suliniutit arlallit aallartinneqareerput, assersuutigalugu sinerissap qanittuani aalisarnerup ineriartorneranut misissueqqissaarnermik suliaqarneq, aqutsinermi suliniuteqarnermik malitseqartussa qkiisalu qalerallinniarnermut nalunaarut nutaaq, maannakkut anigorniagassanik arlalinnik sumiissusersiisussa.

- a. Naalakkersuisut umiatsiaararsorlutik aalisartunut aningaasalersuinissamut periarfissanik arlalinnik neqerooruteqareerput, ilanngullugit umiatsiaaqqanut 84 % tikillugit tapiissuteqarneq aammalu angallatinut 40 % tikillugit tapiissuteqarneq kiisalu taarsigassarsiaritit, angallatip taarsernissaanut iluarsaannissaanullu, motorit taarsernissaannut, isumannaallisaanermut atortunik pisinissamut, teknikkikkut ikkussuinernut, aalisaatinut assigisaannullu ingerlatsinermut atortussanut taarsigassarsiaritinneqarsinnaasut.

Tassunga ilanngullugu aamma pilersitseqqinnissamut tapersiisoqartarpoq.

**Apeqqu:**

2. Nunatsinni qalerallit Qeqertarsuup tunuani milliartornerat, ikiliartornerat aamma aalisartut amerlavallaarnerat ilumoortuusoq Naalakkersuisut uppersarsinnaavaat?

**Akissut:** Qalerallit agguaqatigiissillugu angissusaat 2001-ip siornatigut 60-62 cm-iusimalluni 54-55 cm-nngorluni millisimasut, Pinngortitalerifimmit misissuinerit takutippaat. Qaleralik 60-62 cm-isut angissuseqartoq 2 kg missaani oqimaassuseqarpoq, qaleralik 54-55 cm-isut angissuseqartoq 1-1.5 kg missaani oqimaassuseqarluni. 25%-it sinnerlugit oqilisimapput, tamatumalu kingunerisaanik aalisartut tunisisarnertik taamaaginnartinniarlugu ullumikkut siusinnerusumut sanilliullugu aalisakkanik 5.3 millioninik pisaqartariaqarput, aalisartut qaleralinnik 4 millioninik pisaqartussaassallutik (ukiumut pisassiisutit 8.000 tons-it aallaavigalugit naatsorsorlugit).

**Apeqqu:**

3. Naalakkersuisut pisariaqarsorivaat Inatsisartut Aningaasanut Inatsisissaani angallataarnissamut aallarteqqinnissamullu aningaasaliissutinik pilersitsisoqarnissa?

**Akissut:** Inussiarnersumik takuuk apeqquummut 1a-mut akissut.

**Apeqqu:**

4. Qeqertarsuup tunuani aalisartut akuersissutaatillit ikilisarneqarnissaat pisariaqartutut Naalakkersuisut isumaqarpat?

**Akissut:** Aalisartunik ikilisaanissamik Naalakkersuisut siunertaqanngillat, kisianni aalisarnissamut akuersissutit amerliartuinnarnerinut killiliinissaq.

Inussiarnersumik inuulluaqqusillunga



Jess Svane